

zwiſchent ein Herren. vnnnd Apt. Deßglichen Burgermeiſter
vnnnd Rath. der Stat Sannet Gallen. vnnnd den vier Höffen
im Rynthal. des Wynnlouffs. des Rübwerchs. vnnnd Buws
Halber. vffgericht. Welches vertrags. vnnnd verkomnuß. Sich
mengklich im Rynthal behelffe. vnnnd dem geläbe. vßgenommen
etliche vßlender vnnnd frömbde. ſo ouch Rübwachß by jnen
Haben. allß der von Kalchenriet. vnnnd annder meer. die vnn-
derſtanden. ſöllichen vertrag. vnnnd Ordnung nit Zuo geläben.
ſonnder jr Rüb jrs gfallens buwen Ze laßen. Wellen ouch
den wynnlouff wie der Zerlich. by jnen gmacht werde. nit an-
nehmen. ſonnder vnderſtanden den Zuo Steigren. Das
aber jnen vnnnd jren nachkomen. gannß beſchärlich ſin welle.
Diewyl dann vnſere Herren. vnnnd obren. verſchines Tuſent.
Fünff Hundert. vnnnd Sechß vnnnd vierzigſten Jars. denen von
Sannet Margrethen Höchſt im Rynthal. vff jr pit vnnnd ann-
ſuchen. ouch gliche fryheit Wie den vier Höffen geben. vnnnd
ein artigkel. jnn ſelbigen. fryheitsbrieff geſtellt Der von wort
zuo wort allſo wyßen iſt. oder ſige. Züm Ründten. Wellicher
gaſt oder vungnoß. güter im Hoff. zuo Sannet Margretha
Liggen hat. der ſoll dieſelbigen buwen. nach jnnhalt vnnnd
vermög. des gemeinen Rübrieffß im Rynthal vffgericht. vnnnd
ſo lang derſelbig wärt vnnnd ſinen beſtand Hat, Darumb
jr gannß vnderthenig pit Wir wellendt jnen gliche fryheit
geben. vnnnd zuo ſtellen, Das wellent ſy vmb vnſer herren
vnnnd obren. jnn aller vnderthenigkeit Zuo uerdienen haben.
Vnnnd ſo wir der vnſern von Haßlach pit vnnnd begären.
(welche vnns nit vnuzimlich bedücht.) verſtanden So habent
wir vnns daruff erlütert vnnnd erkenndt. Das die vnſern von
Haßlach. im Rynthal. ſich der fryheit des Rübbuws vnnnd des
wynnlouffs. ſöllen halten vnnnd gebruchen. jnn gleicher form
maß. vnnnd geſtalt. wie die vier Höff. vnnnd die zuo Sannet